



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XCVII. Confirmatio Statuti circa numerum Vocalium Definitorii Provinciæ
Lugdunen. Congregationis Gallicanæ Fratrum Tertii Ordinis Sancti
Francisci de Pœnitentia.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

ratur per tempus duorum Capitulorum Generalium, sive duodecim annorum.

Dat. die 26. Maji 1733. Pont. An. III.

CLEMENS PAPA XII.

Ad futuram rei memoriam.

Causa eden-
de hujus
Constitutio-
nis.

§. 1. **E**Xponi Nobis nuper fecit dilectus filius Minister Generalis Ordinis Fratrum Minorum Sancti Francisci de Observantia nuncupatorum, quod in ultimo Capitulo Generali ejusdem Ordinis, Mediolani celebrato, inter alia totius Ordinis præfati consensu decretum fuit, Sanctæ Sedi supplicandum fore pro moderatione vacationis, quæ juxta Constitutiones Apostolicas intercedere deberet a minoribus ad majora Officia generalia dicti Ordinis assequenda.

Quod nulla
requiratur
vacatio nisi
in ascen-
su.

§. 2. Quare ipse Minister Generalis, hujusmodi Decreto inherens, opportune in præmissis a Nobis provideri, & ut infra, indulgeri summopere desiderat. Nos eundem Ministrum Generalem specialibus favoribus & gratiis profecti volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, auditoque prius voto Congregationis Generalis Ordinis prædicti; quod in posterum in Gradibus sive Officiis Generalibus ejusdem Ordinis nulla temporis vacatio requiratur, & attendi debeat in ascensu ab inferiori ad superiorem gradum: in descensu vero a superiori ad inferiorem, vel transitu ad æqualem gradum, duplex vacatio, idest per tempus duorum Capitulorum generalium, sive duodecim annorum intercedere debeat, auctoritate Apostolica tenore præsentium statuimus & declaramus.

Requiratur
vero in des-
censu.

Requiratur
vero in des-
censu.

Clausula.

§. 3. Decernentes, præfentes literas firmas, validas, & efficaces existere & fore, suosque plenarios & integros effectus sortiri & obtinere; ac ab illis, ad quos spectat, & pro tempore quodcumque spectabit, in omnibus & per omnia plenissime & inviolabiliter observari; sicque in præmissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis; necnon, quatenus opus sit, Ordinis prædicti, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, approbatis, & innovatis.

§. 5. Quibus omnibus & singulis, illorum tenores præsentibus pro plene & sufficienter expressis & insertis habentes, illis aliàs in suo robore permanfuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 29. Maji 1733. Pontificatus Nostri Anno Tertio.

F. Card. Oliverius.

Indulgentia Plenaria perpetua pro Visitantibus Ecclesias Monachorum & Monialium, tam hactenus erectas, quam imposterum quodcumque erigendas, Congregationis Sancti Benedicti, in Festo Sancti Silvestri Abbatis dictæ Congregationis Institutoris.

XCVI.

CLEMENS PAPA XII.

Ad perpetuam rei memoriam.

Coelestium munerum thesauros, quorum dispensationem fidei nostræ credit divina dignatio, libenter erogamus, cum ad fovendam, excitandamque fidelium devotionem salubriter expedire in Domino arbitramur.

§. 1. Supplicationibus itaque dilecti filii Benedicti Biancini, Procuratoris Generalis Monachorum Ordinis S. Benedicti Congregationis Silvestrinorum nuncupatorum, nomine Nobis super hoc humiliter porrectis, inclinati, omnibus & singulis utriusque sexus Christianidelibus vere penitentibus & confessis, ac Sacra Communione refectis, qui aliquam ex Ecclesiis Monasteriorum tam Monachorum quam Monialium ejusdem Congregationis tam hactenus erectorum, quam imposterum quodcumque erigendorum, & ubique locorum existentium, die Festo Sancti Silvestri Abbatis, dictæ Congregationis Institutoris, a primis vespere usque ad occasum Solis diei hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, plenariam omnium peccatorum suorum Indulgentiam & remissionem misericorditer in Domino concedimus; Præsentibus perpetuis futuris temporibus validis.

Dat. die 9. Junii 1733. Pont. An. III.

Exordium.

Indulgentia
de qua in Ru-
brica.

§. 2. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ vel ostensæ.

Fides Tran-
sumptorum.

Datum Romæ apud Sanctam Mariam Majorem sub Annulo Piscatoris die 9. Junii 1733. Pontificatus Nostri Anno Tertio.

F. Card. Oliverius.

Confirmatio Sententiæ Ministri Generalis Ordinis Fratrum Minorum Sancti Francisci de Observantia circa dubia quoad numerum Vocalium Diffinitorii Provinciæ Lugdunen. Congregationis Gallicanæ Fratrum Tertii Ordinis Sancti Francisci de Penitentia: cum reintegracione ejusdem Diffinitorii ad numerum septem Vocalium, aliisque ordinationibus pro faciendâ subrogacione aliorum Religiosorum in eventu, quo deficiat aliquis ex septem Vocalibus hujusmodi.

XCVII.

CLEMENS PAPA XII.

Ad futuram rei memoriam.

§. 1. **E**Xponi Nobis nuper fecit dilectus filius Vincentius Delphinus Minister Provincialis Provinciæ Lugdunen. Congregationis Gallicanæ Fratrum Tertii Ordinis Sancti Francisci de Penitentia nuncupatorum, quod intra tempus

Dat. die 22. Junii 1733. Pont. An. III.

Ministri Pro-
vincialis
Lugdunen.
peticio; cum
rei expositio-
ne.

efflu-

effluxum a postremo Capitulo Provinciali dictæ Provincie, mense Majo anni proxime elapsi celebrato, duplex ortum est dubium circa intelligentiam statutorum generalium ejusdem Ordinis respiciens præcipue numerum Vocalium, qui juxta statuta hujusmodi in Diffinitorio Provinciali Provincie præfatæ sunt cooptandi. Cum enim statuta præfata disponant Diffinitorium Provinciale componendum esse actuali Ministro Provinciali, Custodibus, Diffinitoribus, Provincialibus quatuor, ac ultimo Ministro Provinciali absoluto; quorum Vocalium numerus, ne unquam deficiat tam multiplex extra Capitula Provincialia subrogandi modus, per eadem statuta ac diversas literas Apostolicas desuper emanatas decretus est, ut eveniente etiam alicujus dictorum Vocalium obitu, nullatenus deesse possit in Provincia prædicta Religiosus capax istiusmodi subrogationis; His tamen non obstant, defuncto nupero Ex-Ministro Provinciali ipsius Provincie, qui proculdubio jure, atque sub titulo ultimi absoluti Ministri Provincialis, voce activa in hodierno Diffinitorio potitus fuisset, nullus alius Ex-minister Provincialis subrogatus fuit, qui defuncti locum in eodem Diffinitorio teneret; ac insuper licet Custos, qui est Vocalis natus pro Capitulo Generali per statuta supradictæ Congregationis Gallicanæ clare permittis, videretur creati debere sub titulo ac juribus propriis Custodis, & per electionem diversam ab electione, & personis Diffinitorum, sicuti ordinationes præfatæ Congregationis Gallicanæ innuunt; attamen major pars dicti postremi Capituli Provincialis censuit, ipsum Custodem cum Diffinitoribus promiscue confundendum, & solo Deputati nomine ab iis distinguendum esse, contra usum a pluribus annis vigentem in altera Provincia Sancti Elzearii ejusdem Congregationis Gallicanæ, in qua Custos distinctim a quatuor Diffinitoribus deligitur; & quia Diffinitorium ipsius Provincie Lugdunen. duobus Vocalibus, nempe Ex-Ministro Provinciali, & Custode distincto a quatuor Diffinitoribus contra jus exinde privari credebatur, illudque tributaxat Diffinitoribus contra dispositionem dictorum statutorum constabat, si Custos quatuor Diffinitoribus adnumerandus erat, idem Vincentius horum dubiorum solvendorum causa ad dilectum filium Ministrum Generalem Ordinis Fratrum Minorum ipsius Sancti Francisci de Observantia nuncupatorum ad præscriptum Constitutionum dicti Ordinis occurrente occasione alicujus dubitationis recursus habuit, qui respondit ad primam, Quod moriente ultimo Ex-Ministro Provinciali subrogari debeat alter, qui antea fuerit immediate Minister itidem Provincialis, habeatque votum consultivum, decisivum, atque electivum in omnibus congressibus Diffinitorii; & si aliquis e quatuor Diffinitoribus decedat, subrogetur unus pariter ex-Ministrorum Provincialium, quatenus jam non habeat vocem in Diffinitorio; & si habeat, vel desint Patres hujusmodi, tunc subrogetur antiquior ex Diffinitoribus habitualibus; atque si eatenus nulla facta fuerit subrogatio, imposterum hoc modo facienda & observanda esset: Ad secundum vero, quod quamvis liberum sit eligere vel non eligere Custodem, conveniat tamen eum deinceps eligi distinctum a quatuor Diffinitoribus; isque juribus & privilegiis, cæteris Custodibus concedi solitis, frui debeat, votum habens in congressibus Provincialibus, & in Capitulo Generali, ut Vocalis admittibilis sit cum Ministro Provinciali, & non unus ex quatuor Diffinitoribus, qui locum Custodis tenere possit, quemadmodum deliberatum fuerat.

§. 2. Cum autem, sicut eadem expositio subjungebat, ipse Vincentius plurimum cupiat, enarratam Ministri Generalis Sententiam, pro firmiori illius subsistentia & exactiori observantia, Apostolica confirmationis nostræ

patrocinio commuoniri, & opportune in præmissis, ut infra, a Nobis provideri; Nos dictum Vincentium specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus, illius nomine Nobis super hoc humiliter porrectis, inclinatis, de venerabilium Fratrum nostrorum Sanctæ Romanæ Ecclesiæ Cardinalium, negotiis & consultationibus Episcoporum & Regularium præpositorum, qui relationem dilecti etiam filii Procuratoris Generalis secundodicti Ordinis sibi super præmissis factam atrederunt, consilio, præfatam Ministri Generalis Sententiam super duplici Dubio hujusmodi auctoritate Apostolica tenore præsentium approbamus & confirmamus; illique inviolabilis Apostolicæ firmitatis, ac interpretationis prædictorum statutorum vim & efficaciam injungimus; necnon Diffinitorium Provinciale ejusdem Provincie Lugdunen. ad septenarium numerum Vocalium, ei, sicut præmittitur, convenientem, harum serie restituimus & reintegramus. Præterea auctoritate & tenore præfatis volumus & statuimus, ut defuncto ultimo Ministro Provinciali in dicta Provincia Lugdunen. ex tunc & usque ad proximum futurum Capitulum Provinciale inclusive subrogatus censeatur sub titulo & juribus Ex-Ministri Provincialis is, qui immediate ante defunctum, ab Officio Provincialatus absolutus, & extra Diffinitorium Provinciale reperitur; quo vero ad Custodem præfatum, servata imposterum in electione eorum, qui ad Capitulum generale deputandi erunt, dicti Ministri Generalis sententia, deputatio facta a postremo Capitulo Provinciali vim habeat pro hac vice tantum in iis, quæ eidem sententiæ non adversantur; Ita quod sic deputatus, aut in ejus locum subrogatus, in sua deputatione vel subrogatione valide, sed cum titulo Custodis, & saltem juribus Diffinitorum usque ad proximum Capitulum Provinciale permaneat; utque numerus quatuor Diffinitorum, a Custode distinctorum, ex nunc usque ad dictum proximum Capitulum Provinciale inclusive compleatur, adjungatur pro hac vice quartus Diffinitor tribus aliis jam ab ipso postremo Capitulo Provinciali electis præter eundem Custodem, sive Deputatum secundum leges subrogationis per literas Apostolicas in suo vigore persistentes in casu obitus Diffinitorum præscriptas; perinde acsi quartus Diffinitor ad Capitulum Generale deputatus decessisset.

§. 3. Decernentes, easdem præsentis literas semper firmas, validas & efficaces existere & fore, suosque plenarios & integros effectus fortiri & obtinere; & ab illis, ad quos spectat & pro tempore quodcumque spectabit, in omnibus & per omnia inconcussè observari, illisque respective plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus præmissis, ac Constitutionibus & Ordinationibus Apostolicis, necnon, quatenus opus sit, Ordinis, & Provincie Lugdunen. hujusmodi, etiam juramento, confirmatione Apostolica, vel quavis firmitate alia roboratis

Ministri Generalis Sententia.

Confirmatio Apostolica roboratur.

Harum Literarum firmitas.

Obstantium derogatio.

Statutis, & consuetudinibus, privilegiis quoque, indulgentiis, & literis Apostolicis, in contrarium præmissorum quomodolibet concessis, confirmatis, & innovatis.

§. 5. Quibus omnibus & singulis, illorum tenores præsentibus pro plene & sufficienter expressis, & ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 22. Junii 1733. Pontificatus Nostri Anno Tertio.

F. Card. Oliverius.

XCVIII.

Lis omnis inter Clericos Regulares Societatis Jesu, & Pauperes Matris Dei, a Scholis Piis denominatos, de gravioribus scientiis Vlnæ ab utrisque publice tradendis oborta, ad Sedem Apostolicam advocatur, & extinguitur, ac alia hac de re a Sanctissimo Domino Nostro edita Constitutio confirmatur.

Constitutionem hic laudatam, qua Pauperibus Matris Dei Scholarum Piarum facultas asseritur graviores tradendi scientias, legere est superius num. XXXI. pag. 144.

Dat. die 30. Junii 1733. Pont. An. III.

CLEMENS EPISCOPUS,

Servus Servorum Dei. Ad perpetuam rei memoriam.

Summi Pontificis est lites inter ordines religiosos dirimere.

Pontificalis officii nostri esse debet, lites, & invidiosas contentiones inter quoscumque supremæ curæ nostræ subiectos, ac præsertim Ordines religiosos interdum obortas, dirimere, ut charismata meliora æmulantes, unâ omnes in Vineâ Domini laborare satagent, ac proximorum salutem, rectæque institutioni laudabilem, & Dominicæ mercede dignam, operam dare non cessent.

Inter Clericos regulares Societatis Jesu, & Pauperes Matris Dei a Scholis piis denominatos de tradendis publice scientiis contentio Vlnæ oborta.

§. 1. Quum itaque, sicut accepimus, postquam Anno Domini MDCCXXIII. seu alio veteriori tempore, Congregatio dilectorum filiorum Clericorum Regularium Pauperum Matris Dei, qui a Scholis Piis denominatur, in Vlnensem Civitatem canonicè introducta fuisset, a dilectis quoque filiis Clericis Regularibus Societatis Jesu, qui Universitatis studii generalis seu publicæ Academicæ Vlnensis curam gerunt, non licere ibi cuiquam extra eandem Universitatem sive Academicam eminentiores disciplinas & scientias adolescentibus tradere, proptereaque non posse jam dictos Clericos Regulares publicas scholas ibidem aperire, prætentum fuerit; hujusmodi prætentio in Congregationem Sanctæ Romanæ Ecclesiæ Cardinalium, negotiis & consultationibus Episcoporum & Regularium præpositorum, e quorum numero Nos ipsi tunc eramus, ab utraque parte deductis, eadem Congregatio Cardinalium die vigesima septima mensis Martii Anno Domini MDCCXXVII. referente dilecto filio nostro Nicolao Sanctæ Romanæ Ecclesiæ Presbytero Cardinale, Spinula nuncupato, decreverit primodictis Clericis Regularibus licere aperire scholas juxta modum dumtaxat, scilicet inferiores, pro pueris pauperibus, gratis & sine ullo stipendio imbuendis in primis elementis, grammatica, computo, & præcipue in bonis moribus, & fidei catholicæ rudimentis, ad formam literarum Apostolicarum fel. record. Pauli Papæ V. Prædecessoris Nostri, quæ incipiunt:

An ea, interdicta quæstione, & amplius causam non debere proponi censuerit, & piæ memoriæ Benedictus Papa XIII. etiam Prædecessor Noster decretum prædictum per suas literas Apostolicas sub annulo Piscatoris in forma Brevis die decima septima mensis Martii insequentis Anno MDCCXXVIII. expeditas, Apostolica auctoritate confirmaverit atque adprobaverit, prout in decreto ac literis ejusdem Benedicti plenius & uberius continetur.

§. 2. Deinde vero Nobis, divina favente Clementia, ad Beati Petri Sedem evectis, cum innotuisset, varias, interque se discrepantes sententias ac voces percubuisse de proprio officio, præcipuoque instituto primodictorum Clericorum Regularium, super modo & ratione instituendi adolescentes, eorum curæ commissos, eisdemque in scholas recipiendi, deque Statutis a piæ record. Gregorio Papa XV. etiam Prædecessore Nostro, confirmatis & approbatis, ac de complurium aliorum Romanorum Pontificum tam sub plumbo quam sub Annulo Piscatoris, in dicta forma Brevis, pro dictis Clericis Regularibus Pauperibus Matris Dei, editis literis Apostolicis, & præcipue eorundem Pauli, Gregorii, & Urbani VIII. Alexandri VII. Clementis IX. & Clementis X. etiam Romanorum Pontificum Prædecessorum Nostrorum; Nos quasumque controversias & dissensiones, ex statutorum & literarum Apostolicarum hujusmodi vario sensu ortas, & tunc fortasse orituras, pro nostri Apostolatus munere de medio tollere volentes, particulari Congregationi Venerabilium Fratrum nostrorum Sanctæ Romanæ Ecclesiæ Cardinalium, videlicet bonæ memoriæ Prosperi Marefuschii, eorundem primodictorum Clericorum Regularium Matris Dei Protectoris, Leandri de Portia, ac Petri Aloysii Caraxæ, ad rem maturo consilio examinandam, tunc per Nos Apostolica auctoritate prædicta instituta, & prævis facultatibus necessariis instructa, commiserimus & mandaverimus, ut de omnibus & singulis tam in forma Brevis, quam sub plumbo, ut præfertur, expeditis, primodictosque Clericos Regulares respicientibus, Apostolicis literis ac statutis prædictis mature perpensis, in subsequentiâ capitula sedulo inquirerent.

Primo nimirum, An prædictis Clericis Regularibus Pauperibus Matris Dei in suis publicis scholis, præter scribendi, legendi & computandi regulas, atque etiam grammaticen, scientias majores tradere liceret.

Secundo, An ipsi ad easdem suas scholas pueros etiam Divites, Nobilisque admittere possent.

Tertio, An in suam curam & regimen juvenum Collegia, Seminaria, & Convictus habere itidem possent.

Quarto quæsitum est, An privilegium Apostolicum eis foret concedendum, ut regulares domos sine aliorum Regularium consensu, condere possent, ubi tamen eis pro numero a Constitutionibus Apostolicis præfixo Religiosis alendis sufficientes reditus citra mendicandi & quæstiuandi necessitatem aliâ suppeterent: quumque Congregatio particularis, prædicta die XIII. mensis Aprilis Anno Domini MDCCXXI. habita, præmissis omnibus, quemadmodum præceperamus, diligenter inspectis & ponderatis, nemine discrepante, in hanc resolutionem uno ore deveniret, scilicet:

Ad primum, Clericos Regulares Pauperes Matris Dei, qui a Scholis Piis denominantur, teneri prima rudimenta Catholicæ Fidei, grammaticæ & computorum regulas tradere adolescentulis ad formam Constitutionum Ordinis sui: licere etiam eisdem Scientias Majores in suis publicis Scholis tradere, dummodo tamen apud eos Constitutiones Ordinis quoad scholas minores serventur.

Particulari Card. Congreg. examinanda committitur.

Puncta etiam mini tradita.

Responsiones.

Ad